

## **Fobitro Injil Shorif 24 nombor sifara dusra Hannan Forisiti**

Alla Pakor hukume siṭir aḡare ou sohifa leksoin, Hozrot Isa al-Mosir sahabi Hozrot Hannan (ra:). Hozrot Isae dunia taki toshrif neoar onuman 50-60 bosor bade ou sohifa leḡa oise. Ikan oilo tan leḡa dusra siṭi. Ita leḡar ḡalo al-Mosir bad-baki hoḡol sahabir mout oigesi, ḡali tain zinda asla, erlagi tan forisoe oigese, 'hou murobbi' name.

I sohifar maze Begom Saebani ḡoia zen gese leksoin, ein ashole kunu manush nae, hou zomanar eḡ zomat. Begomor aolad bolte, zomator shodoishsho. Ar Begomor boin, lekokor elaḡar zomat. Tain mumín bai oḡolor gese minoti ḡorra, eḡe-oinne maea-mohobbot ḡorar lagi. Ar bonḡo moulana oḡolor talim taki hushiar oar lagi ḡoira. Itae ḡoita, Hozrot Isa rokto-mangshor kunu manush nae, tain ḡali ruh, erlagi rokto-mangshor shorile amra zekunu nafak kam ḡortam fari, itae kunu oshubida nae, ḡali ruh oilo dami. I sohifar 7 aeato ase, "Zetae ḡoin, manush surote Hozrot Isa al-Mosi duniat aisoin na, ila mat zegie mate he oilo hou dukabaz ar ḡane-Dorjal."

### **Ermaze ase,**

- (1) Salam zanani 1:1-3 aeat
- (2) Hoke ar mohobbote solo1:4-11
- (3) Bidaei salam 1:12-13

### *Salam zanani*

<sup>1</sup> Ami hou murobbie ita lekram, Allar fosondor hou Begom Saebani ar tan aolad oqolor gese. Allai hokor katire ami zarare mohobbot qori, qali ami nae, aro zoto manshe Allai hok zanchoin tara hoqole zare mohobbot qoroin, ou tumrar gese lekram. <sup>2</sup> Ou hok to oqon amrar bitre boshot qore ar hor-hamesha amrar loge roibo.

<sup>3</sup> Hoq ar mohobbotor katire, gaibi baf Alla Pak ar ou bafor qas maear zon Ibnulla, einu Isa al-Mosi, erar torof taki rohomot, meherbani ar shanti amrar loge roibo.

### *Hoke ar mohobbote solo*

<sup>4</sup> Gaibi bafe zela hukum disoin, hou hukum mafik afnar qoezon fua-furin Allai hokor fote soler dekia ami kub kushi oisi. <sup>5</sup> O maear Saebani, afnar gese amar ekqa onurud ase, amra zanu forteqe eke-oinnore mohobbot qori. Ar ou ze onurud ami qoriar, ita to noea kunu hukum nae, borong mulo takiu amra ou hukum faislam. <sup>6</sup> Allar hukum mafik solau oilo mohobbot. Tumra foela taki ze hukumor qota hunia airae, olaqan mohobbotor fote solo.

<sup>7</sup> Duniat oqon bout laqan dukabaz baroisoin. Zetae qoin, manush surrote Hozrot Isa al-Mosi duniat aisoin na, ila mat zera mate era oilo hou dukabaz ar Qane-Dorjal. <sup>8</sup> Te tumra hushiar roio, zate tumrar menotor fol na araisia shullo-ana furushkar qamaitae faro.

<sup>9</sup> Zeta manshe al-Mosir deoa talimor shima faroi zain, tan talimor bitre roin na, tarar dilor bitre Alla nai. Oile ze manush tan talimor ufre tir roe, tar dilor maze gaibi baf ar tan qas maear zon Ibnulla, i duiozonu asoin. <sup>10</sup> Kunu ustad tumrar

gese aile he zudi ou laḡan talim na dey, te tare salam ḡorio na, ar tumrar baḡit ashroeo dio na.  
<sup>11</sup> Tare zegie salam ḡorbo, he to ogur bod ḡamor baḡi oibo.

*Bidaei salam*

<sup>12</sup> Tumrar gese to amar aro bout ḡota leḡar asil, oile ḡagoz-ḡolome hoḡolta leḡtam sairam na. Borong amar kial oilo, ami nize aia tumrar loge boia samna-samni gof ḡormu, teu hoḡolor bitoror kushi miḡbo.

<sup>13</sup> Afnar ze boinre Allae fosond ḡorsoin, tan aolad oḡole afnare salam zanaira. Amin.

**Sylheti New Testament (Latin)**  
**Sylheti: Sylheti New Testament (Latin) New**  
**Testament+**

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

---

PDF generated using Haiola and XeLaTeX on 22 Feb 2024 from source  
files dated 29 Jan 2022

2eb27397-6d35-5c13-b811-aecd7920507c